

宋

會

要

宋會要商稅五

母泉紹興三十二年

孝宗即位

元六月十三日敕臨安府內

外買賣興販金銀匹帛雜物之類除依省則合收門稅外訪聞稅務將鋪戶已賣物色因所買人漏稅及元未經稅賣下之物輒於鋪戶一例追納罰錢可令本府嚴行禁戢如有違犯之人計贓斷罪仍許人戶越訴八月十一日詔贛州七里鎮東江務併歸城下商稅務從江西轉運司請也二十三日中書門下言場務收稅皆有格目訪聞沿流等處舟船經過必留旬月多喝稅錢甚者指食米為酒米指衣服為布帛空船則多收力勝行裝則以為興販錢物不附亦歷所由巡欄之徒什

伯為伍上船上牌打卯打醋發糧不一致使商旅不行
詔逐路專委監司守臣覺察按治以聞 同日中書門
下言兩浙漸有復業之人宜加優恤其人戶蓋屋所運
竹木墾田所帶牛畜雖已降德音與免沿路商稅抽解
切慮州縣奉行不虔合行約束詔逐路安撫司相度措
置限一月條具奏聞事小不須待報者一面施行 十
一月十四日詔應勅置稅務日下禁止今諸路轉運司
總版榜於從來依條法合置處張掛曉諭客旅通知如
無轉運司所給版榜見得是私置許客人越訴將違法
收過稅錢數紐計申取朝廷指揮施行 隆興元年
三月二十八日臣寮言應州軍稅場並已依祖宗自來

舊額州邑衝要處置立所有續添稅場州府不曾申明
自行置立去處並乞廢罷從之 乾道元年正月一日
敕州縣稅務依法各有合置去處近來又行私置邀阻
商旅於民為害仰日下廢罷令監司常切覺察如有違
戾按劾以聞三年六年九年南郊赦並用此制 十二
月十日~~日~~日上封事者言關市之征古者以禁游手於是
乎征之令也有一務而分之至十數處者謂之分額一
物而征之至十數次者謂之回稅乞訓敕州郡非省額
者不許私置已稅者不許再征從之 孝宗隆興元年
四月十九日詔應客販耕牛往淮南州縣變賣仰經所
屬自陳給據與元本處投契沿路稅及船渡錢並免如

有違戾去處仰監司按劾施行仍令諸路漕司下所部
州縣多出文勝曉諭從中書門下請也 五月二十八
日權發遣賓州張昂言本州商稅院及管下獨女鉛場
各係小使臣窠闕本州稅額至微乞罷監官改作攝官
窠闕從之二年三月二十七日德音赦高藤雷容州應
緣曾經焚劫去處復業人戶建造屋宇所有竹木磚瓦
之類並與免稅并免抽分一半 四月二十二日詔紹
興府蕭山縣西興鎮稅並煙火公事窠闕改作紹興府
蕭山縣新林堰稅橋子從兩浙諸司之請也 五月二
十八日詔淮東西商旅販物貨依立定省則並以減半
收稅如係歸正人興販特與全免三年 至乾道二年

七月十四日臣寮言近有歸正人或住臨安或住建康於諸路興販物貨免沿路稅錢照得隆興二年指揮專係指定淮東西路而有司失於奉行今所在歸正人興販往兩淮皆欲判狀全免稅錢乞應歸正人興販物貨或自兩淮販至諸路或至諸路販至兩淮在諸路則所過場依舊一例收稅在兩淮界分一例全免從之

六月一日詔鬱林州博白縣稅場依舊收稅 七月八

日詔虜人侵犯兩淮居民流徙令安撫轉運司下諸州軍措置招集放免半年商稅 十六日德音楚滁濠廬

光州盱眙光化軍管內并揚成西和州襄陽德安府信陽高郵軍應興販及買賣蠶織農具耕牛斛斗及蓋屋

材料雜色等物往殘破州縣者各經所屬自陳給據與免沿路收稅抽解一年關津不得邀阻內流移復業人應隨行財物並不得收稅舟船仍免力勝如有違戾去處許民戶越訴 乾道元年正月十四日詔諸路州軍方春未價踴貴民間闕食全藉客米接濟訪聞所在場務以力勝之類巧作名色違法收稅令諸路監司守臣出榜約束過米船經過即時通放違戾去處監官按劾專欄重決配 二月十四日詔省成都府在城商稅監官一員從西川制置司成都府路諸司之請也 二十日四川總領所夔州路轉運司言忠州豐都縣酒務係兼收商稅酒務可委知縣兼監稅務可委縣尉兼管酒

務官乞行減罷從之 二十七日詔諸軍收買物色紹

興三十二年己降指揮合行收稅令殿前馬步軍司通

依指揮施行毋致違戾先是主管殿前司公事王琪買

木植修葺軍營寨乞免經由場務收稅至是戶部用紹

興三十二年正月指揮執奏故有是命 三月十一日

戶部言鎮江府都統制郭振於明州收買麻布五萬匹

乞下沿路州軍免稅契勘諸軍收買物色依節次己降

指揮並依條收稅如有陳請許戶部執奏今來郭振所

乞有礙已降指揮詔為係軍用權免一次 四年九月

五日詔婺州義烏縣放散樵戶牙人任其買賣依條收

稅不得於離縣五里外巡欄抑勒村民仍下諸處州縣

閏五月二十日
白寮言方今
重征之弊莫
甚於沿江如
新之江口汜之
雁汊自昔稱
為大小法場
言其征取酷
如殺人比年不止
兩零凡汜流
而之至於荆
峽處州往來
謂之力勝舟
中本無重貨
謂之虛喝宜

不得私置稅場阻客旅今所在帥憲常切覺察先是

義烏縣有山谷之民織羅為生本縣乃盡拘八鄉植戶

藉以姓名採其所織羅帛投稅于官民甚苦之至是臣

寮有言故育是命 五年八月二十八日詔省滁州來

安縣監稅令縣令兼領之從知滁州趙善仁請也 十

二月二十六日詔荆南府白水鎮住罷收稅只於荆南

沙市併收稅額從荆南府請也 六年正月十三日詔

沿江諸郡稅場今後商賈所載物貨如係茶鹽米麥麩

錢數有違法收稅者許商賈越訴監司按劾以聞將監

臨陳請并專欄等人重寘典憲從總領葉衡請也 五

月十八日戶部尚書曾懷言奉旨併省自行在至建康

征百金先地

千金之數

謂之花鼓驛

擾不一欲乞

行下沿江諸

路監司嚴

行禁革官

吏犯者必罰

委教及刷沿

江置場盤

併奪取旨

廢嚴從之

法月三日

上

沿路征税多處契勘臨安府長安關平江府平望常州
望亭橫林鎮江府呂城丹徒鎮五處去前後稅務地理
因密乞行減罷內臨安府除省額歲務外又於三亭子
四板橋龍山兒門白塔亦山九里松等雙置鋪以欄稅
為名而苛細收取併乞先罷從之 八月三日權江南
東路轉運副使張松言照對沿江自蕪縣湖至采石鎮一
州兩稅實為不便又和州界有西采石客旅往來一日
之間三過場務刻剝太甚緣太平州采石去州縣稍遠
乞將租額併歸蕪湖縣所有淮南岸采石鎮依自來條
例以江心為界不許欄截江南客旅欲乞行下太平州
和州嚴行約束從之既而戶部言采石稅務係廢歷間

起置經今一百六十五年不曾併在蕪湖知和州劉度
言本州西采石稅務自國初興置垂三百年不曾以江
心為界乞依祖宗成法並從之同日張松乞將池州鴈
洲鎮稅務移過本州從之既而知池州張掄言紹聖五
年畫降指揮將池口稅務移在鴈洲收大江過稅至
紹興五年立額每歲約赴官錢一十八萬餘貫經七十
五年並無商旅詞訴張松更不契勘池口已有住稅使
作無稅申請併鴈洲於池口纔二年半比較鴈洲所收
稅錢虧近二十萬緡乞依舊復置鴈洲監官專一收赴
從之十五日詔池州石埭縣稅務移置筓溪七溪兩
路會口只作一處收稅令石埭縣務吏不得重疊所有

留口鎮稅亦令住罷所認常平司買樸課利等錢却令
石埭縣稅務把認解撥從本州請也 七年四月十五
日戶部尚書曹懷言本部近驅磨出臨安府乾道五年
商稅帳內有失收三五分稅錢併虧額錢及少收頭子
錢共四十一萬二千七百餘貫今欲分作二年令臨安
府并通判廳自乾道七年夏季為始令項起發仍專委
兩浙轉運司拘催依限發納從之 八年五月十五日
詔廢罷常平犇牛稅場從前知銅山縣劉大衍言也
九年三月二十五日詔州縣稅務於正官外擅自差
置機察措置提舉等官可嚴行禁止如違許民戶越訴
五月十六日詔應私置稅鋪並行住罷如已經住罷

不得復置凡有違戾重寘典憲臣察言温州平陽縣有
私置漁野稅鋪為豪右買撲乘時於海岸琶曹小毀等
十餘所置鋪瀕海細民並受其害昨來戶部住罷已及
三年令豪民詭名又復立價承買平陽知縣林志慶乞
行廢罷如不欲虧夫名錢本縣甘自花認發納又照得
台州天台縣私置界溪樵木稅鋪紹興十一年已住罷
近台州通判秦垣乞復二鋪召人買撲人戶被害節次
訴于御史臺如孫汝明訟寧海縣樟木掘浦二鋪張太
訟寧海縣茭湖柘浦三鋪王璠訟歸安縣韶村鋪錢浩
訟安吉縣迴山鋪全夢說訟歸安縣埭市村鋪劉昇訟
江陰縣申港長壽鄉二鋪如此等類皆是私置難以槩

舉乞嚴行約束故有是命 七月八日詔罷江陰軍黃
田港楊舍蔡港三處稅場兩浙轉運司言江陰軍管下
黃田港楊舍蔡港稅場各不滿百里有礙指揮乞行減
併故有是命 十一月二十三日詔太平州池州寧國
府饒州廣德軍五州軍去處稅場並罷以江東運司申
課利微細皆是大姓豪戶買撲邀截民旅故也 以上

乾道會要

經進續總類會要 商稅 振興

商稅 振興

淳熙元年十一月十一日詔米麵柴炭油皆係民間日用之物並已免稅訪聞州縣稅務巧作名色收納稅錢及將木炭抽解令戶部行下諸路轉運司約束違者按治仍許客人越訴二年七月十七日詔省滁州清流縣白塔鎮稅務以本州言月得二十千徒以擾民故也九月二十二日臣僚言鄉落有號為虛市者止是三數日一次市合初無收稅之法州郡急於財賦創為稅場令人戶買撲納錢俾自收稅凡買撲者往往一鄉之豪猾既稱起納官課則聲勢尤甚於官務官司既取其課利雖欲為小民理直有所不能乞下諸路州郡應有前

項買撲收稅處並與住罷從之

閏九月十八日詔湖

南北江西漕司行下沿江州軍

去

榜曉諭客人有願販

米注淮東者即經州軍陳乞出給公據沿路照驗放行如

稅務妄作名色非理節注即行覺察劾治仍許客人越訴以

中書門下省言淮東旱傷訪聞湖南北江西有客旅販

米往糶沿路稅務妄以力勝收稅邀阻乞行約束 十

月二十五日中書門下省言客販米斛依法不合收稅

累降指揮約束不得妄作名色阻節今來尚敢虛唱稅

錢顯是違戾詔旨專委漕司覺察按劾當職官吏重作

施行 十二月十七日慶壽赦訪聞州縣稅務輒差寄

居待闕官以檢察抄撩措置為名在務騷擾可日下並

罷 四年正月十八日夔州路提刑提舉轉運司言相
度到夔州并巫山縣兩處稅務順流舟楫於夔州稅務
併納巫山縣稅錢沂舟楫於巫山縣併納夔州稅錢
於官無所損而商旅免兩處留滯逐處併收稅錢各令
互相關報歸還從之 十二月五日詔應州縣稅務不
得於五里外攔截客旅仰本路監司常切覺察 五年
三月九日詔諸官司收買木植依紹興三十年除免如
違坐違制之罪從臨安守臣趙礪老請也 四月二十六
日臣僚言池州雁汊黃州鄂州稅場之弊一舟船實無
之物立為名件抑令納稅謂之虛唱一人攔頭妻女直
入船內搜檢謂之女攔頭一所收商稅專責見錢商旅

無所從得苛留日久即以物貨低價準折謂之所納一
巡欄之人各持弓箭槍刀之屬將客旅欄截彈射或至
格鬪殺傷一稅務依條自有纂節欄頭多用小船雜稅
務十餘里外邀截客旅搜檢小商物貨為之一空稅錢
並不入官掩為已有詔江東湖北淮東路轉運司將今
來條具到畫一事件嚴切措置於稅務前大字版榜曉
諭或監司全不覺察許被擾人徑詣尚書越訴即先將
漕臣重寘典憲五月六日詔戶部行下江東湖北淮
西轉運司檢坐見行匿稅條法并分數則例及規避商
等斷罪敕條明揭版榜與近降禁約指揮一處曉諭商
旅庶免官吏欄頭隱欺走失歲課之弊餘路沿流州軍

稅場依此以中書門下省言近臣僚乞革去沿流稅務等弊已畫一條具禁約又慮合干人不得肆其騷擾却將合稅之物欺隱不入赤厯及暗乞私賂一切放行故令課額不敷理合禁止故有是命 六月十九日詔三省劄下諸路轉運司應諸州縣鎮除正額係省場務見係吏部差官處不罷外其餘創置稅場稅鋪不以有無官監並一切罷去從臣僚請也其後兩浙江西湖北申到人戶買撲場務雖非吏部差官緣係常平租額收到錢可起發應副大軍之數詔且令依舊改存留揚州高郵軍盱眙軍亦以走朱常平官錢不便為請亦許存留 八月十九日詔臨安府存留發引一十八處止許

發引不得收稅如違許人越訴

六年三月二十七日

詔罷鄂州七縣所管常平稅場一十四處以守臣趙善

括言其騷擾而歲工收一千七百緡乞罷本州自備錢

解發故也

五月一日詔諸路轉運司將管下州縣稅

場非省額創置收稅處並罷 十月~~以~~日詔二廣虛市

更相貿易非江浙私置稅場之冗可從民便與免落地

稅錢從前知高州何惟清請也

十二月二十八日詔

臨安府駐蹕之地理宜優恤頗聞征稅稍重是致物價

未平可自淳熙七年正月一日為始府城內外并屬縣

應千百貨並免收稅一年其稅額合納錢已令內藏庫

等處對數補還如官司輒敢違戾收稅許被收稅人徑

赴御史臺越訴許本臺具奏取旨施行仍令尚書省出
黃榜降付本府并屬縣曉諭 七年三月二十三日右
正言葛邲言州郡雖已罷私置稅場却增起稅務則額
如湖北監司按鄂州稅銀每兩收舊錢八文令增作四
十八文如此之類都城既已盡罷稅務而鄰居以客旅
至都城咫尺別無他征故增重稅豈不失陛下捐利予
民之意望下州郡將舊來合收稅錢則例大書刻於板
榜揭寘通衢令民旅通知不得例外收取其鄰郡亦毋
得以臨安府更不收稅為由抑勒重稅詔下諸州戒約
如違戾許八戶越訴 九年十月二十一日臣僚言湖
州安吉縣稅務惟藉絲綿竹木收稅以辦歲額近年本

州別項收絲綿稅錢漕司別項收竹木稅錢以供他用
不恤課額之虧遂使監司夤緣擾民乞嚴行禁約詔湖
州將前項額外創收稅錢日下住罷 十年二月二十
八日准西總領韓彥質言頻年以來江上諸州皆以重
征為務公然收鹽米稅乞嚴行禁約仍委三總領所不
以路分互相覺察按奏詔江淮東西湖南北路帥漕司
各依前後指揮更切申嚴行約束如州軍奉行減裂
許三總領所依所管路分覺察按劾 十一年二月二
十五日臨安府言檢準紹興五年五月十二日指揮節
文諸路轉運司量度州縣收稅緊慢增添稅額五分或
三分本府契勘諸稅務日逐所起課利於日額並各虧

欠即不當有額外增收三五分錢數昨因守臣趙子滿
紹興三十二年間任內住罷修造不曾應辦國信收簇
獻助錢二十萬貫後蒙減免作一十五萬貫內通判廳
每歲於諸稅務收到錢內幹取八萬四千貫作三分五
○案名起發外今本府發錢六萬六千貫遇應辦大禮
年分減免五萬自乾道七年皇太子領尹灼見本府即
無額外增收上件三五分案名錢已具奏乞蠲免以後
節次申乞蠲免至淳熙九年分訖今準戶部催發本府
淳熙十年分三五分錢六萬六千貫寔緣稅務所起課
利不敷元額本府不曾額外收起無可發納乞照應累
年體例蠲免從之 五月二日淮西總領趙汝誼言近

撥客入陸太等一十一名狀稱黃州稅務正臨赤壁端
險之處每遇舟船到岸百端阻節動至五七日稽留江
面闊遠風濤不測前後積聚官私舟船不可勝計近有
客人顏清等因拘欄看稅間忽一夜風浪大起壞船十
隻沉失鹽二千餘袋又打碎其他大小船五十餘隻老
小不知數目乞_已擇一泊船穩便處移置稅務今黃州
面上三十里地名張家洲背彼處江面狹窄_此赤壁纜
十之二遇有風暴可以回避臣契勘黃州經賦其數甚
微循常收起足可了辦近年為守臣者惟務多措以資
妄費阻遏行旅至使無辜之人只固拘留征稅橫罹覆
溺乞下本路轉運司委官前去體究苛留顏清等舟船

收稅因依仍相視移置黃州稅務以便商旅從之既而右正言蔣繼周亦論列因將黃州守臣方廷瑞罷黜

六月十七日紹興府臨浦稅場處州君溪稅場池州梅根欄並陳乞復置詔從其請既而臣僚援淳熙五年六月十九日廢罷指揮爭之遂寢前命十月十五日詔

戶部遍牒諸路軍將應管稅務合起課息如寔及租額之數即不得抑令增收敢有違戾在內委御史臺彈奏在外委監司覺察按劾仍許被擾之人越訴十二年

三月二十九日詔場務稅賞今後不許引用賞令中高
等外猶有剝數或已該賞而所剝錢數又及格者聽累
之文以戶部侍郎葉燾言稅場每歲於租額者猶有剝

數又聽其累賞是導天下之為場務重征以希賞類雖增而民愈困乞於淳熙令中除去高等累賞之文因下勅令所詳定故有是命七月二日詔省荆門軍涘河武寧黃泥三處稅場以前權知荆門軍陸洸言三處稅額共不過二十七貫三百三十三文而豪民買扑擾民為甚故也 二十三日詔省常德府一處復州六處稅場先是上從陸洸之請下湖北提舉司契勘住罷涘河等三處稅場因詔其餘似此去處相度聞奏至是湖北提舉趙善譽奏上件兩州七處稅場共納一百八貫與涘河等處事體一同上曰罷之甚當如此等事一日做得一件計一歲之利亦多矣因併從之 二十四日詔省

揚州江都縣版橋秦興縣新城楚州山陽縣謝家埠
盱軍天長縣龍埭石梁秦蘭高郵軍高郵縣臨澤三墩
八處稅場以淮東提舉趙不流言時盱軍係極邊近年
與全免上供賦入揚州高郵軍係次邊亦獨其半初不
仰此毫末課利而徒使豪民買撲小民被害所有淨利
錢內有分隸合發行在所屬數日本司欲依數稅認起
發乞將上件稅場並行住罷故有是命八月二日詔殿
前司收買木植令嚴行抽稅以三分為率與免二分
十月十四日四川制置使留正總領馮憲言知西和州
王樸奏本州威遠鋪舊州勝岡三處博買鋪乃本州極
邊非水陸衝要大商經由逐鋪過取錢物只作收稅以

辨月額乞詔制總司將本州三博買鋪盡行廢罷俾邊
民各得營生逐司詔得西和州管下三處博買鋪皆接
對境舊來蕃漢客旅於逐處私相博易物貨以致透漏
姦細無由覺察前宣撫吳璘於彼處差官措置博買鋪
以量收稅錢為名因而譏察姦細探報彼界事宜見今
勝間鋪一年額錢一千道舊州鋪一年額錢九百九十一
道咸遠鋪一年額錢一萬七百九十七道竊緣置立逐
鋪即不專為收稅今來王樸所陳廢罷難以施行外第
恐所收稅錢不能及額因緣多端趁辦或有未便其言
不可盡廢逐司乞於逐鋪稅額向上與減分之一惟邊
民不妨營生且不失向來譏察探報之意從之

月十一日詔雪寒應臨安府城外客旅經過自今月十二日並免收稅五日毋得違阻 十四年八月十三日淮西總領趙汝誼言今歲之旱惟江東兩浙為甚而江西湖南兩淮其間多有熟處今誠能通諸路之米散之江浙則民得足食糴不騰貴然欲求諸路之米須免征稅而後可朝廷於征米之禁非不切至而州縣每遇米船則別為名目謂之收力勝喝花稅花稅者以無為有力勝者計所載之多寡以稅其舟又額外增置場務初以收各州土產物貨住稅為額而馴致收客旅往來之稅如潭州之橋口隆興府之樵舍江州之湖口和州之施園以類是也行旅之人受重征苛取之苦無所赴

想乞行下江東西湖南北兩淮守臣許聽從客人與販
米斛赴江浙旱傷州郡仍約束所在場務遇有米船經
過不得以收力勝喝花稅為名時刻留滯如違許客人
赴監司臺部越訴官吏重典憲若監司奉行弗虔許
臺諫彈劾又沿江稅務壤地相接如自池州至建康府
止七百餘里為場務者有六曰鴈汊曰池口曰施園曰
蕪湖曰采石曰建康其間相去不滿五六里者又重以
私稅商旅挾家貲以求贏而迺困於公家之征豈不可
憐臣嘗求其故或謂鄉者罷諸軍回易故州郡得收木
筏之稅以寬民力自後復創戶部給曆之說而諸軍裝
發排筏皆執戶部曆頭以免商稅憑藉私販每得一曆

即為數歲循環之用且一排筏合納征稅何啻數十大
賈今十倍而失州郡之常稅如之何而不虐於商人哉
此增置稅場及收不應收稅之物多以為辭乞下諸州
軍應有增置稅場去處盡令日下罷去戶部歷頭亦乞
住給或不得已亦須立為定限止許用免一稅庶可以
絕州郡之辭亦行法自近始之乞詔付給事中王信等
看詳既而信等看詳乞行下諸路守臣遇客人與販米
一斛不得阻遏其免收力勝錢自有見行條法乞行下逐
路監司約束所在場務遵守如有違戾及喝花稅為名
故作留滯者客人赴監司臺部越訴重寘典憲其所陳
池州至建康一帶稅場自有淳熙五年六月二十六日

以後累降指揮乞下戶部契勘如係增置不合存留去
處即今日下罷去其戶部所給歷頭今據戶部供稱係
承特旨方與出給仍於公據開具所買名件段段照驗
通放候足日繳部毀抹不應存留重疊使用今來所陳
謂多憑籍私販每得一厯即為數歲循環之用上件情
弊乞下戶部措置關防從之 十五年九月二十七日
戶部言檢準淳熙十四年五月八日勅臣僚奏陳和州
於施園稅場之外又復剏子務於朴木邀截商旅妨奪
無為軍城下商稅蓋緣近年客船從柵江泥汊口入裏
河經無為軍自裕溪出大江則不經由施園此和州所
以在朴木柵稅與無為軍稅務地近相妨然大江與裏

河水道必由裕漢而今施圍稅場即先在裕漢者爾今若令河州將施圍稅場依舊移置於裕漢故地則和州商稅自無走失無為軍稅務相去既遠則亦自無詞客船或欲徑行大江或欲避風濤之險而入裏河各適其便可也都省批下准西安撫司委官相視綵圖圖本指定利害具申其准西安撫轉運司尋委安豐軍六安縣主簿馬晞驥前去和州無為軍管下相視乞寢罷朴木廢施圍而回裕溪再送安撫司廬州兩簽聽官同共看詳據安撫司叅議元徽之等廬州通判莫沈等申詳主簿馬晞驥所定和州朴木事委是詳備但馬晞驥欲令和州移施圍稅務於裕溪張運使沙雖在裕漢之下正

緣裕溪江面闊約十餘里客舟重載由江南岸拋過裕溪投稅客人利害甚重決不肯絕江使客人肯絕江來裕溪却自裕溪過江南其舟橫絕大江不可直過必須拋下十餘里正為張運使沙阻隔此和州稅場以此收稅不行遂移上施園豈有不便而移置今欲使之復移裕溪之理其為利害甚明况和州之較計稅入想非得已今日無為軍之與和州爭者止以朴木朴木去施園與和州地里俱遠雖曰驗施園關引其寔有礙近降指揮自合住罷所有馬晞驥所定欲令和州移施園稅場於裕溪合作和州從便回申本部承準都督指揮行下淮西安撫轉運司取會和州委自逐司契勘經久可行

西州各無爭執保明供申准西安撫轉運司申尋施行
據和州申照應本管下沿江西米沙稅務先移置裕溪
河口緣為江道生沙冬月淺溢春夏水泛江面闊遠水
勢湍急難泊舟船昨因何喻義等經州陳乞申獲聖旨
於淳熙五年內移置施團自近年以來隣郡無為運平
空於施團向上地名泥汊河口離城九十里發關引欄
稅及往向沿江口岸招誘長江客船入裏河迂曲經由
無為軍城初行收稅庇護客船從施團背後取裕溪河
口出江躡瞞施團遞於課利向曾申明上司委朴木河
檢察銅錢官就辨驗施團稅務納稅關引如無關引即
是瞞稅務要客人通知元不曾收納分文稅錢今準前

項指揮即已行下朴木檢察銅錢官照會約束施行所
是移置施團正緣裕溪江面闊遠委是難以復移今來
本州既罷朴木拘檢閑引其無為軍不應仍舊於泥汊
河口及沿江口岸招誘江行客船迂义裏河初收客稅
亦合任罷遂行逐司契勘得和州前項所申委是經久
可行本部乞下淮西安撫轉運司仰從所申事理施行
并和州無為軍準此從之 以上孝宗會要 淳熙十六
年閏五月十四日詔恭州三縣管下雙石安仁石英藍
溪董伏含谷多昆雙溪八市泥埧木洞新興二鎮十處
稅場盡行住罷 以守臣宋南強言皆是鄉村豪民買撲
納收稅錢徒以擾民故也 紹熙元年二月二十三日詔

省罷楚州北神鎮稅務所有長河客船物貨令於在城
都省務投稅其鎮官仍舊差注管幹烟火酒務職事以
淮東安撫漕臣言北神鎮柴網船以採浦為名往往夾
帶違禁之物過界官中利於稅錢只在草布之屬收稅
竊慮引惹事故有是命 十一月三十日詔今後鋪戶
合稅物貨照自來則例回稅不得巧作名色欺誑騷擾
今臨安府禁止如於例外多收頭子錢許民戶越訴將
犯人重作施行仍將私名欄頭等人并比稅歷並與除
去 二年正月二十三日臣僚言乞下二廣諸州除罷
虛市收稅詔本路轉運司措置省罷以二廣虛市初非
省額坊場皆是鄉村自為聚落從豪戶買撲歲納官司

不過百十解故也

四月二十四日池州言本州諸縣

去秋間遭旱傷窳慮城下池口兩稅務收稅稍重遂將

則例以三分為率鑄減一分其日解稅額亦已照減除

豁分數從之 三年三月十二日詔雅州三縣管下始

陽金沙兩鎮思經鋪軍領靈關丑鎮稅場盡行住罷以

本州言皆係豪民買撲重為民害故也

四年三月四

日臨安府言餘杭富陽兩縣稅務比他縣課額素重將

村落土產竹木等不到務之物抑令鄉民遙認稅錢重

為民患今乞自紹興四年為始將兩縣稅額內富陽

縣歲起五萬六千餘貫通減七千貫餘杭縣歲起四萬

四千餘貫通減五千貫下兩縣稅務不得出違五里之限

邀欄稅物及不得以鄉村土產不到務之物以鈞稅為名橫取稅錢許被擾人赴府陳訴追究得實專欄決配監官按劾從之以上光宗會要慶元元年正月五日詔訪聞京西六郡財計不足州縣利於改稅將客販違禁之物陰行透漏可令檢照淳^熙六年三月詔書通融補助條具聞奏今後嚴行體訪稍有違犯即行按舉當實典憲仍令御史臺覺察十九日尚書省言紹熙五年七月指揮令沿流州縣關津稅務如遇客船販到米斛與依條免稅仍免納力勝錢即不得別作名色妄有邀阻如有違戾仰逐路監司嚴切根究施行仍許客人越訴今聞州縣惟以多收課利為急致見責辦場務非理邀

阻過教重征理合申嚴約束日後如有違戾定將守臣
當職監官一例取旨重行責罰從之 四月十七日詔
諸路應干產牛地分降覺察盜販過淮依已降指揮旋
行外自餘商旅興販自准而南者聽其往來勿得阻節
如有違戾提刑司按劾以聞必寘之罰以臣僚言淮浙
耕牛絕少而官吏懼遠漏坐贖將與販者例皆阻抑故
有是詔 四年四月十一日詔湖州四安稅務住罷將
本鎮坊改作四安酒務以守臣張震言本州上供案名
全籍酒稅向自住罷募節商稅課額虧損委難支吾稅
務月額共九百貫文後因收起不敷申明減發每月止
起四百二十餘貫緣場務只知極力起辦不免重征故

有是詔 八月二十九日臣僚言松江稅場如江州蕪湖以至池州真州皆有岸夾依泊客舟惟黃州稅場正在大江之側每遇風濤舟船傾側常有飄散之憂近歲守臣嘗聞謂新澳以便民旅尚有六百八十丈不曾開通乞今本州相度措置於農隙用工開浚寔為商旅永久之利從之 五年四月二十九日詔州郡應客旅物貨赴務投稅外聽從便貨賣不得截留收買如違重寘典憲以臣僚言關津場務惟督訖証不應官府之有需竟留物貨而拘買名為支錢祇為文具故有是詔

八月十四日廣東轉運司言近承臣僚奏乞將二廣墟市不得收稅許從民便照得本司當來相度舊管墟市

一百一處減罷二十一處外今存留八十處即非近行
創置係是古來為額所收歲課皆是籍定之數兼與其
他州縣創定征收事體不同乞照應見行常平條法存
留從之先是四月六日右正言陳自强乞下二廣提刑
司除州縣場務差官去處外其餘村墿聚落應有墟市
許民間從便交易不得收稅至是有請十一月十六
日臣僚言廣東西去朝廷遠民有杭米柴薪一例收稅
民食貴米用貴柴被害之甚乞專委漕司嚴立版榜於
逐州場務稅亭曉示庶使客旅明知柴米不稅或別作
名色收稅許經漕司投訴以憑申奏作違制論從之
六年三月二十四日詔成都府路麻布六稅之額止收

麻皮及成兩色稅外其麻種麻枝麻緝麻紗四色並與
蠲免仍令所修立成法其餘諸路州縣稅務一體施行
仰轉運司常切覺察以臣僚言西蜀田中所產紵麻終
年辛勤至乎成布一匹所直不過交子六七分凡六經
稅而官吏牙僧多端侵剋乞與蠲免少寬民力故有是

詔 四月八日詔建寧府建陽縣後山并崇安縣黃亭

稅務並住罷今後不許復置以守臣侍伯壽言紹興淳

熙間已降指揮住罷後來失於契勘具申存留今緣兩

務專欄等人各係游手無圖之輩所差官多係權攝替

罷不常全無禁約肆行剋剝故有是詔 九日兩浙轉

運司言準都省劄子據湖州申乞復置湖州永壽東遷

大錢璉市五處纂節發引本司已委官究實遍詣舊發引等處各有父老陳詞云日前存置纂節之時城市賣買駢集細民可以營求客旅商稅並無透漏自任罷之後豪彊占霸招接客貨以致市井蕭條暗失稅課今來仍舊復置商賈物貨既有纂節發引投稅于官元額不致虧損農田鄉民各無被害從之先是三年閏六月臣僚乞照祖宗成法盡行任罷近緣有虧官賦故從其請

五月七日中書門下省言臨安府城內諸行鋪戶買賣金銀匹帛之類如係將帶出門首自合於都稅務回納稅錢訪聞欄頭書手等人與鋪戶有讎輒將不合收稅物件妄作漏稅告首致被斷罪號令追賞委實騷擾

詔令本府今後子細究寔如委是不合收稅即將首人重行斷罪 七月二十四日詔湖州施渚和平兩處鎮稅並行省罷 以兩浙轉運司言兩鎮坐落僻靜山僻商旅難得合千人假官課為名重征苛取故有是詔 嘉

泰三年六月二十四日侍御史張澤言廣州八邑例不均稅每遇大禮年分於產錢上科數賞錢唯清遠一縣官既收稅故得免科近年復創行科率每產錢一文科二十七文滿貫科二十貫號田根錢差推鋒官兵追納所過雞犬一空又縣有原曰石梯石津在兩山間田土狹隘人戶耕鑿方成聚落轉運司忍置二場名鄉豪買朴自置土典欄頭初無客旅但將人戶所收穀米麻豆

之屬既名納

舊法不收稅

仍同州外場

務過者有違

亦納絹則免

收稅錢斛

法平則先收力

總錢工

之屬一一征取乞下本路提舉司體訪罷去以惠遠民
從之十一月十一日南郊赦文人戶輸納紬絹斛斗
斗則先收力勝錢循習成例重為民害仰轉運司嚴行
禁戢仍許人戶越訴自後郊祀明堂赦並同四年三
月十日詔客人願往出產州軍興販竹木等物赴臨安
府出賣仰於兩浙運司陳狀給據前去沿路州軍稅錢
與免三分之一至臨安府城下者全免先是三月四夜
居民遭火已降指揮官民戶與販及收買竹木等與免
收稅兩月至是又申嚴行下開禧元年六月二日廣
東提舉陳杲言廣州肇慶府惠州共管墟稅八十三場
皆係鄉村墟市苛征虐取甚至米粟亦且收錢甚為民

害近者臺臣奏罷石涕石津二場餘一場猶故臣計漕
司每歲墟稅所入通不過二萬三千緡有奇而三郡之
民均受其害若遽行廢罷則養兵之費無所措辦昨降
指揮經畧司每歲於鹽舶二司各撥一萬緡入椿積庫
以備緩急乞移此以補漕計將八十一墟悉行廢罷從
之 三年正月十六日詔以淮民屋宇生具多焚折不
存日今漸次歸業令浙西江東西安撫轉運司行下所
部州軍多方勸諭客旅許令般運竹木於兩淮州縣販
賣特免沿路抽稅 嘉定二年九月十日明堂赦文淮
民乍離兵革飢饉荐臻全籍客人運到米麥及竹木等
為績食營造之計訪聞所過州縣暴征苛取遂致商賈

不行自今客舟如往兩淮興販所過場務未麥不得收
稅所帶竹木與免抽解仍不得巧作名色多取稅錢五
年郊祀赦文及於荆襄五年四月二十四日臣僚言

廣中諸郡無名場務在在有之若循之剝頭梅之梅溪
皆深村小路略通商旅私立關津公行收稅所差罷吏
姦胥畧無顧籍緡錢斗粟菜茹束薪悉令輸稅空身行
旅白取百金紆路曲徑指為透漏官吏利其所入悉其
施行抽分給賞斷罪倍輸至有捆載而來罄囊而歸者
且剝頭一津前此憲司已行蠲去今聞又漸復舊乞令
廣東諸監司痛行革去違者重行錮責當行吏編配詔
令廣東諸司制具各州縣無名關津數目中尚書省

八月一日監察御史石宗萬言州郡商稅經費之所繇
出惟賴富商大賈趁辦課利今沿江場務所至蕭條較
之往年所收十不及四五推原其繇皆士大夫之貪黷者
為之巨艘西下舳舻相銜穢載客貨安然如山問之則
無非士大夫之舟也或自地所攬載至夔門易舟某月
日有某人出蜀商旅探伺爭為奔趨為士大夫者從而
要索重價一舟所獲數千緡經繇場務曲為覆護免稅
懷利謁懇囑于撓往時不過蜀人之赴舉者為之既而
蜀士之游宦江湖召赴中都者或未免循習其後東南
士大夫之仕于蜀者歸途亦多效之而把麾持節者抑
又甚焉乞下沿江州郡揭榜稅場嚴行戒戢如有違戾

許守臣密具職位姓名申尚書省及御史臺施行從之
十一月二十日南郊赦大諸路州縣稅場遇有客人
販到物貨投稅各有立定名件則例今聞專欄乞覓多
唱稅錢稍或不從苦楚留滯致令客人於松小路偷購
商稅其專欄又於五里外邀欄乞取委是違法仰逐路
轉運司行下所部州軍約束不得違戾如仍前減裂許
客人越訴切待追究重作施行八年十二年十四年明
堂赦並同 六年十二月十一日權發遣衢州王棊言
管下有稅場二曰孔步鎮曰章載場皆非朝廷差官處
考其廢置孔步鎮隸開化縣路通徽嚴開化僻左不於
此置征則絲添之稅皆不入開化而月解青冊無所取

辦故孔步鎮認開化稅錢三分之一此於縣計誠有關
繫若章載場又去州二十五里路通行在其於州之稅
務畧不相關計其一歲所入共一千五百四十餘緡而
於州用公使者已八百四十餘緡供朝廷隸經總制者
止七百餘緡人言章載場為一方百姓之害臣以為八
百餘千豈不足以少裨郡計然苟益於民安敢重惜况
其間二百三十餘緡又屬之公使此特在郡守之節用
耳若朝廷視三數百千何啻鴻毛故不若罷之使所有
朝廷錢每歲計三百八十三貫係作糶本錢解發本州
自當抱認那融起解從之 七年二月二十四日廣西
轉運判官兼提舉鹽事陳孔碩言二廣州郡收販牛稅

其來久矣近因漕臣有請始蠲罷之然贛吉之民每遇農畢即相約入南販牛謂之作冬初亦將步小土布前去博買及至買得數牛聚得百十人則所過人牛盡驅入隊南人力弱衆少則坐視而不敢問力彊衆多則互相鬥殺間被官司捕去按法施行則是販牛者少因而行劫者多近到廣西多言湖南北人來廣西販牛為害有素自奏罷收稅之後來者愈多為患愈甚而州郡驟失此項稅錢力遂困乏臣以為欲弭此害合令販牛之人先經所屬州縣具同伴人數與買牛數若干量立節限使互相委保判給公據而來內有一名行劫保人同罪所過津務特與減半收稅批鑿公憑前路為照既不

絕其與販又可少殺其黨與剽劫之勢州郡復得向時
賦入則責之募足闕兵其又何辭乞下二廣監司州郡
許照舊例收牛稅外更加優恤施行送戶部相度本部
照得漕臣所奏利害甚明委是權宜可行合下湖南北
江西二廣轉運司行下所屬州縣遵守仍約東所過場
務不得循習重征如違追專欄重作施行從之 八月
二十三日權發遣黃州孫杓言黃陂縣龍驤稅務一歲
版帳通計八千六百八十六貫七百五十九文亦為本
州利源之助日前率是按月解發近年以來拖下月解
錢一萬三千三百三十貫一百五十五文到官訪問皆謂
此非一日之故即將舊欠盡行除豁今僅半年新者又

復拖下三十八十四貫五十文再三思之與其存虛名而使之拖欠孰若減實額而責其必足遂於元額內先與除減二千貫文今只為六千六百八十六貫七百五十九文每月只解版帳錢五百五十七貫二百三十文乞下本州永久遵守庶可杜日後再增之弊從之 八年二月三日臣僚言遠方墟市之稅曩嘗禁罷州縣仍令鄉民買撲其苛取及甚於州縣廣南販米之稅近已蠲免今米雖不稅復計舟筏關狹紐筭力勝錢其所收仍重於稅米竹木例止抽分今抽分之外又以尺寸科格而苛取之濱江之民擔負魚鮮止於村落博賣未嘗經涉城市今有証其漏稅而加之罪者農器舊不稅也

今與其他器用一例科稅火柴舊不稅也今南方遠郡
遇有溪僻販運每束例收五六錢販夫步檐之征稅止
於關津今越數里之外捉稅矣舟船運載之稅止於五
里今逾二三十里之外欄稅矣商販苦之安得不潛行
佚出以規苟免不惟官課日虧而津欄捕捉數十為群
操執利刃互相鬥奪殺傷人命獄訟滋蔓鮮不由此皆
緣州郡急於贏羨不以監官為可委信而專差猾吏為
之譏察輕重可否一出吏手為害有不可勝言者乞下
諸郡凡稅物巨細立定則例揭之版榜仍於合欄稅之
地立定界至使之通知應諸州以人吏訛察場務悉行
罷去或有違戾當覺察以聞乞嚴行責罰從之 九年

二月十二日詔令襄陽府將鄧城鎮稅廢罷仍舊為酒
罷務從本府選差官吏管幹吏部免行差注更不作關
先是臣僚言竊見客旅自榷場博易多經襄陽在城務
有稅鄧城酒務又有稅京西漕司通貨場相望鄧城鎮
無半里許又有是商賈往來不出襄陽境內二十里而
有三稅客旅誠何以堪乞下襄陽府特將鄧城鎮稅廢
罷依舊只為酒務尋下運司相度以鄧城鎮與通貨榷
場共在一處不可不連行寢罷但本鎮所收歲解襄陽
府一萬九千三百二貫有奇解憲漕司通判廳二千七
百五十三貫五百一十三文上件所入皆係官兵支遣
之項措置一項可以補襄陽府并諸司指擬之數而後

可行又房州押配吏卒買銀之弊不可不為革絕又須
措置一項可以補貼買之數而後可行今乞將提舉司
每歲出賣益鈔一萬袋每袋增會子二十歲可得會子
二萬貫以填二項之額故有是命 十一年二月二十

五日詔省罷太平州城下稅務以知州吳柔勝言本州
不出八十里間凡三務場之罷其一却將蕪湖采石兩
處已增稅錢填補上項罷免額尋下江東轉運司相度
請如其言故有是命 十三年九月十七日詔平江府

崑山縣黃姚顧運稅場令吏部選差文臣有舉主無過
犯人充以臣僚言黃姚稅場係二處福建溫台明越等
郡大商海船輻輳之地南擅激浦華亭青龍江灣牙客

之利比蕪顧逕雙漁王家橋南大場三棧浦沙澆沙頭
掘浦蒲逕新塘萍港陶港沿海之稅五月南貨商稅動
以萬計州即去濫既遠知縣有抱此小課利餘燼盡歸
私家者乞將黃姚顧逕稅場令吏部選差文臣有舉主
聞陞廣正材幹之人充監稅令平江府則立稅頭每月
課利專充樁積不許嘉定縣干預故有是命 十一月

二十七日詔官民戶典販及收買竹木碑瓦簷箔等今
兩浙轉運司行下臨安府并出產及經由州軍與免抽
解收稅兩月仍劄下臨安府嚴立罪賞曉示行鋪戶並
不得高擡價值出賣如違仰本府密切覺察將犯人重
作斷治 以是月二十六日臨安府君民遺漏從中書門

下省請也 十四年六月十六日德音赦文蘄黃州復
業人戶恐闕少竹木及蠶織農具耕牛斛斗如有人戶
置買并客旅般販前去貨賣者仰經所屬自陳即便給
據與免沿路及所至處抽稅半年關津不得邀阻如違
許被抑人陳訴 十五年十二月三日臣僚言郡縣征
場朝廷立官監臨可謂專也今在外邑者往往令宰兼
領蓋課額不登者郡必責縣以償補利源之廣者令必
規贏而願為於是商賈病於重征郡縣曾不之恤而征
官則反安坐不用乞降睿旨今後諸郡分縣稅務專責
監官不許以令宰兼管措置從之 十七年三月十四
日臣僚奏湖州武康縣坐落山僻稅務租額全年計七

千三百六十五貫有畸今增作二萬三千七十七貫有畸至嘉定十三年內課利不登縣申轉運司每月量減二百貫然行之未幾復為郡守仍舊增發今雖邑宰白州復依減發之數而猶越辨不敷又烏青鎮地連三郡河港支分物貨易於透漏稅務租額每日止四十三貫自辛巳年間江淮流民避地稅物經過偶有增羨當時守遂增至一百二十貫二百自後商旅不行課額日減至淳熙十三年父老省部陳詞減作八十五貫八百有畸今為定額積欠動數千貫未有一任能及額者嘗究其故武康稅課舊在管下武都鄉十都驛路通徹川廣客旅經從日夜絡繹嘉慶九年縣申上司於彼處發引

招誘每有客販稅物於則例上收一半民以為利自嘉
定十一年內洪水衝捐驛路更不前去發引上令上相
牙鋪等於本縣接界招誘收稅其客人經取黃竹蔣村
等處及崇仁鄉十字港通徹蘇常抗秀去處取道與販
以致官課頓虧烏青鎮稅始於界內理市置鋪戶運貨
停轉運司約束不許於五里外欄稅客旅乘此多行私
港而本鎮鋪戶運貨停塌於數里之外朝夕旋取以歸
此場務所由販壞改之湖州管下縣鎮如德清縣日額
止四十餘千新市鎮止十八千獨武康烏青稅額仍舊
日下煎熬乞下所屬詳議將二處租額及續增數目斟
酌蠲減立為定額庶幾商旅阜通課利易辦從之以上

寧宗會要

宋會要 酒趙雜錄

東京官造麴買於酒戶每歲舊四十七萬四千六百四十五貫熙寧十年
三十五萬五千八百四貫九百二十文 開封府十五縣及赤倉道士八節
橋陳橋諫寺靜封義聲建雄朱家曲盧館宋樓架橋馬欄橋蕭館圍城潘
故濟陽萬勝鎮張三館三十五務每歲舊錢三十四萬四千四百八十四
貫總六千一百一十四兩絹八疋令二十一兩熙寧十年錢二十四萬五
百五十八貫三百四十八文七分絲一千七十兩絹八疋一文七尺七寸
西京官造麴如東京之制及永寧長水密新安銀氏單偃師壽安永安
潁陽登封澠池福昌河清王屋白波彭婆伊闕三鄉府店員莊曲河二十
三務歲十一萬四千一百九十五貫絹三十五疋熙寧十年租額一十二
萬八百四十八貫六百三十七文買棧二萬七千六百九十八貫五百一
十文 南京官造麴如東京之制及楚丘穀熟寧陵虞城下邑柘城棘高
辛會亭濟陽鎮九務歲七萬八千七百一十八貫熙寧十年在城賣麴三
萬六百九十九貫二百一十七文寧陵縣官監一萬五千四百九十五貫
一百四十九文諸縣買棧二萬六千一百三十二貫三百四文舊在城及
臨清絳城清平冠氏夏津宗城羊魏內黃垣水成安館陶南樂朝城永濟

縣安賢定安普通桑橋渡口清水迤安李因孫生博寧曹仁鎮二十七務
歲十八萬四千七百九十貫熙寧十年祖額一十七萬四千二十六貫二

百文買椽一萬八千三百九十一貫六十七文 京東路 東路 青州

舊在城善光臨淄千乘博興臨朐縣淳化博昌大王橋鎮楊兒渴十務歲

九萬九千七百五十四貫熙寧十年祖額一十一萬三千五百七十二貫

五百九十一文買椽一萬五百三十五貫六百四十文 齊州舊在城及

安丘高密臨信陽清洛場五務歲八萬六千一百五貫熙寧十年祖額九

萬九千三百二十七貫九百三十三文買椽二千四百四十五貫八百六

十六文 齊州舊在城及清平軍臨邑禹城長清縣龍山蕭安新安仁舊

安仁新鎮新市明山舉鎮劉宏新孫耿曲堤鎮梨濟寨胡家巷李家店歸

蘇臨濟迴河濟河涇墻店胡家林二十六務歲十七萬三百六十六貫絹

二十二疋熙寧十年祖額二十一萬一千六百六十四貫六十二文買椽

二萬四千二百二十二貫五百九十一文 沂州舊在城及沂水承賣新

太縣蘭陵六務歲四萬八千八百一十六貫布百四十二端熙寧十年祖

額七萬四千五百五貫七百五十四文買椽六千四百七十五貫七百六

十六文布一百疋 登州舊在城及黃牟平縣三務歲九千七百五十六

費布千四百五十一端熙寧十年祖額三萬四千四百貫二百五十三文
買楮三千二十四貫八百二十八文布九百二十三端一文四尺 萊州
蕪在城及萊陽膠水縣羅山鎮四務歲六萬一百一十五貫熙寧十年祖
額五萬一千九百三十一貫七百一十二文買楮三萬三千四百五十三
貫八十九文 維州舊在城及昌邑昌樂縣三務歲二萬七千九十七貫
熙寧十年祖額五萬一千六百四十三貫四百五十五文買楮一千七百七十
七貫七百四文 淄州舊在城及鄒平長山高苑縣金嶺鎮巖趙口劉家
店七務歲五萬八千六百六十貫熙寧十年祖額七萬五千九百一十三
貫五百四十三文買楮四千八百二十貫一百一文 濮陽軍舊在城及
宿遷縣桃園魚溝鎮四務歲五萬二千五百八十貫熙寧十年祖額五萬
七百五十二貫一百五十三文買楮八千八百八十八貫八百文 西路 兗
州舊在城及太平仙源奉符萊蕪瑕丘襲丘泗水鄒縣九務歲六萬四千
九百九十六貫絲三百三十兩熙寧十年祖額三萬五千四十八貫九百
七十二文買楮三萬五千八百八貫三十七文 徐州舊在城及蕭彭城
滕豐沛縣利國監白土鎮七務歲十萬六千四百七十二貫熙寧十年祖額八
萬八千二百六十一貫一百九十四文買楮二萬四千二十一貫六百七

十六文 曹州舊在城及完句南華業氏縣四務歲四萬三千九百一十八貫熙寧十年祖額三萬八千九百九十一貫六百三文買撲三萬三千七百六十六貫七百九十二文 鄆州舊在城及中都平陰壽張須城陽穀東河縣景德但勸軍鄉竹口石橫迎鸞界首澄空翔鸞安樂公乘麟臺揚劉鎮滑家口開山禘二十一務歲十一萬五千三百三十三貫熙寧十年祖額一十一萬二千六百四十八貫八百二十三文買撲三萬二千三百一十八貫三百八十文 濟州舊在城及金鄉任城鄆城陳曹橋鎮昌邑城六務歲六萬六千一百六十八貫絹一十二疋熙寧十年祖額六萬一千九百二十三貫九百三十四文買撲一萬六千三百三十貫九十一文 單州舊在城及成武縣黃隊魚臺鎮四務歲五萬四千一百貫熙寧十年祖額三萬二千一百七十一貫三百八十四文買撲一萬六千三百三十貫九十一文 濮州舊在城及雷澤臨濮苑縣柏林安定永平臨黃七務歲六萬六千四百三十五貫絹六百四十八疋熙寧十年祖額三萬六千六十一貫四百二十八文買撲二萬八千五百八十六貫九百六十六文絹六百七十二疋 廣濟軍舊在城歲二萬二千七百三十五貫今廢

萊蕪監無定額

利國監無定額

京西路南京

襄州舊在城及鄆

城宜城中盧南彰縣牛首鎮樊村穀城八務歲六萬六千七百六十七貫
熙寧十年祖額九萬七千八十貫七十二文買樵八千六百六十三貫八
百六十四文 鄧州舊在城及南陽浙川內鄉縣諸陽碭石鸛鶴八務歲
八萬一千二百九十八貫絲三百九十七兩熙寧十年祖額八萬七千九
百二十六貫一百三十九文買樵八千六百一十四貫五百九十六文絲
四百二十六兩半 隨州舊在城及棗陽縣二務歲一萬八千三百一十
六貫熙寧十年祖額一萬九千六百六十四貫八百七十四文買樵二千
七十一貫五百三十六文 金州舊在城及魏務歲萬三千五百七十一
貫熙寧十年祖額一萬六千五百八十八文買樵一千三百三十七
貫五百二十文 房州舊在城及房陵竹山縣三務歲七千五百五十貫
熙寧十年祖額一萬八千六百七十三貫六十一文買樵八百四十八貫
六百九十一文 均州舊在城及南門鄧鄉縣三務歲二萬四千七百五
十九貫熙寧十年祖額三萬二千七百七十三貫四百一十三文買樵二
千一百二十九貫九百一十文 鄂州舊在城及涼山縣永清鎮三務歲
二萬三百四十八貫熙寧十年祖額二萬二千一百四十三貫六十九文
買樵七千四百五十七貫三百七十六文 唐州舊在城及方城湖陽比

陽縣桐柏鎮五務歲二萬八千三百四貫熙寧十年祖額三萬六千五百三十八貫三百三十五文買撲二千一百八十八貫一百四文 北路

許州舊在城及長葛臨潁陽翟許田鄆城縣合流繁城棧湖馳口長葛新寨鎮十二務歲十三萬一千八百三十二貫熙寧十年祖額八萬六千九

百七十五貫七百九十四文買撲二萬七千五百四十八貫四文 孟州舊在城及汜水溫河陰濟源縣五務歲五萬五千四百二貫熙寧十年祖

額七萬三千八百五十一貫七百六十四文買撲四千一百一十八貫九百四十四文 蔡州舊在城及新蔡上蔡襄信遂平西川真陽確山汝陽

新息平輿縣玉臺陽安吳城陳寨金鄉瓜波諸丁謙讓王務黃持射子鎮二十二務歲八萬六千三百五十七貫熙寧十年祖額一十一萬九百一

十八貫三百七十五文買撲一萬二千七百一十二貫五百六十九文練五百三十兩四錢絹一十三疋八寸 陳州舊在城及商水西華南頓項城

縣珍冠鋪六務歲九萬七千八百三十八貫熙寧十年祖額七萬三千四百一十七貫七十三文買撲九千三百八貫九百三十九文一分 潁州舊

在城及沈丘萬壽縣界溝斤溝正陽滑口七務歲八萬三千四百六十二貫熙寧十年祖額七萬五千八百一十二貫四百七十五文買撲七千七

百五十貫七百四十文絹三十九疋二尺四寸 汝州舊在城及龍興
山裏城業郊城汝墳額橋鎮石塘河洛南十務歲四萬八千二百四十貫
熙寧十年祖額三萬六千二百七十六貫五百一十八文買撲一萬六千
五百四十一貫六百五十三文 信陽軍舊在城及羅山縣二務歲八十
五百八貫熙寧十年祖額一萬五千六百二十二貫一百四十五文買撲
五百貫三百五十三文 鄭州舊在城及原武滎陽新鄭滎澤縣楊橋郭
店陳橋鎮八務歲六萬七千六百九十二貫今廢 光化軍舊在城一務
歲三萬一千九百七十四貫今廢 滑州舊在城及韋城昨城靈河縣四
務歲三萬四千五百一十九貫今廢 河北路 東路 澶州舊在城及
德清軍觀城清豐臨河縣舊州工樓水北鎮東石九務歲七萬九千一百
八十七貫熙寧十年祖額八萬一千三百五十四貫四百八十七文買撲
一萬四百二貫二百七十九文 滄州舊在城及保順軍樂陵無 饒安
南波歸化臨津鹽山縣郊橋咸平馬遵保安馬明任河含寧通商朱堪趙
觀長蓋乾符鎮劉家口韋家莊屯莊二十三務歲十三萬二千二百四十
七貫絹五疋餘百兩熙寧十年祖額一十一萬九千九百貫二百一十六
文買撲一萬二千三百四十五貫九百四十六文 冀州舊在城及堂陽

南宮修棗強武邑衡水縣新河劉固宗棗昌城莒蘆李德來達十四務歲
八萬五千六百六十一貫熙寧十年祖額七萬二千一百三十九貫九百
五十五文買撲四千貫四百六十文 瀛州舊在城及蕭寧縣樂壽景城
東城縣劉解永寧鎮七務歲六萬四千三百四十一貫熙寧十年祖額四
萬一千六百七十五貫五百四十二文買撲六千三百九貫五百七十文
博州舊在城及博平高唐明聖堂邑縣夾雜興利固河趙村廣平永安
鎮郭禮崔慶杜郎店十四務歲八萬五千一百一十九貫熙寧十年祖額六萬
五千三百七十四貫六百七十七文買撲二萬六百七十二貫二百二文

州舊在城及陽信滿河縣汾風寬河歸仁太平新務西界桑棗脂角鎮七
里渡連多口十三務歲八萬一千二百四十六貫熙寧十年祖額九萬七
百八十一貫六百七十七文買撲四千六百六十四貫七百四十四文絹
二百五十四疋 莫州舊在城及任丘長豐鄭縣四務歲二萬二千四百
六十八貫熙寧十年祖額二萬五千九百九貫八十八文買撲一千五百六
十二貫一百九十五文 雄州舊在城一務歲二萬三千八百二十七貫
熙寧十年祖額二萬二千三百一十八貫七十六文買撲四百六十二貫
六百三十六文 德州舊在城及將陵德平平原縣懷仁重興將校樂家

水務安樂鄉代吳橋王琮樂村安陵盤河鎮十六務歲九萬四千六百一
貫熙寧十年祖額七萬八千八百八十七貫七百八十四文買據七千二
百五十五貫七百四十四文 濱州舊在城及招安縣安定東永河永豐
蒲臺寧海鎮三义口八務歲五萬二千四百七十三貫絹二百六十二疋
熙寧十年祖額四萬三千四百七貫三百二十二文買據一萬七千四百
五十一貫五百四十四文 霸州舊在城及太城縣文安萬春鎮四務歲
二萬四千五百三十六貫絲三十六兩熙寧十年祖額一萬八千九百一
十九貫五百九十八文買據一千七百 十八貫一百七十二文 恩州
舊在城及滙亭漳南武成饒陽甘陵鎮宗實保田棣寧化鎮阮村店十一
務歲六萬一千八百六貫熙寧十年祖額四萬九百四十九貫二百五十
三文買據九千六百五貫二百二十六文 永靜軍舊在城及阜城縣新
高弓高仁高鎮表村六務歲三萬四千八十一貫熙寧十年祖額三萬九
千八百五貫二百七十五文買據七千一百七十一貫二百五十六文
乾寧軍舊在城及范橋鎮歲二萬四千二百四十貫熙寧十年祖額一萬
六千九百八十二貫五十八文買據二百二十四貫六百二十一文 信
安軍舊在城一務歲五千九百五十九貫熙寧十年祖額七千八百八十

七貫五百五十四文買據六十一貫八百七十三文 保安軍舊在城一
務歲六千六百六十七貫熙寧十年租額六千四百四十九貫六百三十
二文 西路 真定府舊在城及天威軍獲鹿井陘樂城蒿城行唐元氏
縣八務歲十三萬五千九百三十八貫熙寧十年租額九萬五千四百四
十五貫二百二十文買據九千二百八十七貫四百四十五文 相州舊
在城及陽陰永和臨漳鄆林慮縣天禧鎮七務歲五萬四百四十一貫熙
寧十年租額四萬六千九百八十貫八百七十四文買據四千二十五貫
五百八十四文 定州舊在城及新樂龍泉曲陽無極唐縣六務歲十二
萬六千三百五十三貫熙寧十年租額一十萬七千九百八貫三百三十
六文買據五十六百三十九貫八百四十四文 邢州舊在城及鉅鹿平
鄉曲丘堯山龍岡河沙南和任縣棊村新店圍城縣十二務歲六萬四千
六百八十三貫熙寧十年租額六萬五千八百六十五貫四百一十文買
據五千六百四十八貫五百二十文 懷州舊在城及武陟武德修武河
內豫青化宋郭萬善鎮尚鄉柏樹店十務歲四萬一千二百四十三貫熙
寧十年租額三萬四千六百九十七貫七百二十四文買據七十三貫三
百三十七文 衛州舊在城及共城新鄉獲嘉縣太學鎮五城歲四萬一

十一十二貫熙寧十年祖額四萬六千四百九十一貫一百五十四文買

據一萬六千四百七十七貫七百一十文 涪州舊在城及肥鄉平恩曲

周臨涪歸澤縣北名水永泰村清津新安白家攤鎮十一務歲五萬六千

八百七十七貫熙寧十年祖額五萬三千五百四十四貫八百九十四文

買據三千四百一十八貫五百三十六文 深州舊在城及安平武強饒

陽東宛隆五務歲七萬九千四貫熙寧十年祖額六萬一千三百三十二

貫五百九十七文買據五千八百八十三貫六百六十文 磁州舊在城

及登陽邯鄲武安昭德緣固鎮觀臺村臺大趙二祖北陽邑城店十二務

歲四萬九千二百五十貫熙寧十年祖額六萬三千三百八十六貫八百

九十文買據三千三百八十四貫四百二文 祁州舊在城及彭城深澤

縣三務歲三萬一千九百八十四貫熙寧十年祖額三萬四千五百九十

一貫七百二十三文買據二千一百九十二貫四百九十六文 深州舊

在城一務歲四萬二千二十九貫熙寧十年祖額三萬三千二百六十貫

七十六文買據二千七百二十六貫二百四十四文 安肅軍舊在城一

務歲二萬二千五百七貫熙寧十年祖額二萬九千六百七十七貫二百二十八文

買據三百一貫七百八十八文 趙州舊在城及臨城高邑柏鄉寧晉隆

平贊皇縣七務歲五萬六千二百三貫熙寧十年祖額四萬四千三百一十八貫六十八文買樵三千七百三十五貫三十六文 永寧州舊在城及博野縣二務歲二萬一千一百六十二貫熙寧十年祖額三萬五千五百五十一貫四百八十五文買樵三千二十二貫九百八十八文 廣信軍舊在城一務歲二萬八千六百八十五貫熙寧十年祖額一萬六千三百九十七貫七百九十文 順安軍舊在城及高陽縣歲萬四千四百七貫熙寧十年祖額一萬一千四百五十四貫二百二十一文買樵一千二百八貫六百四十一文 北平軍舊在城一務歲二萬一百六十八貫今併入定州 通利軍舊在城及黎陽衛縣李固苑橋洪門鎮六務歲三萬一千五百五十二貫今廢 陝西路 永興軍 京北府舊在城及臨潼鄠醴泉咸陽武功涇陽藍田興平高陵乾祐樂陽縣粟邑靈口中橋鳴特渾橋毗沙素凌臨涇義谷甘比甘河鎮二十三務歲二十八萬七千六百四十一貫熙寧十年祖額二十六萬六千六百三十三貫三百七十三文買樵二萬四千九百一十二貫八百八十三文銀三十一兩六錢 河中府舊在城及倚氏龍門臨晉萬全永樂縣澇谷鎮七務歲八萬三千七百一十一貫宋六十六碩粟三十一碩熙寧十年祖額一萬三千六百九十

九貫八百三十四文買撲三萬九千二百三十七貫九百二十八文粟三十一碩七斗 陝州舊在城及關鄉尚城湖試靈寶夏峽石陝縣曾張銀治集津三門歇馬曲沃平時十五務歲七萬五千五百九十五貫米八百八十七碩熙寧十年祖額四萬一千八百二貫一百七十七文買撲一萬五千五百九貫三十九文白米七百二十三碩五斗五升二合粟二十六碩一斗六升 延州舊在城及延水敷政豐林金明甘泉延州縣青化格安石胡萬安寨青閭城十二務歲二十七萬一千四百六十貫熙寧十年祖額九萬三千六百三貫三百八十四文買撲六千六百九十六貫九百九文 同州舊在城及馮翊郃陽澄城白水夏陽韓城朝邑韓延祥寺前新市鎮十一務歲八萬二千七百七十九貫銀二百三十五兩熙寧十年祖額六萬七千五百七十七貫六百四十九文買撲一萬一千七百五十九貫四百二十五文銀一百八十四兩八錢粟二百四十六碩六斗七升 華州舊在城及下 華陰渭南蒲城縣赤水故市荆姚敷水關西鎮十務歲十萬四千三百七十一貫熙寧十年祖額八萬一千二百七十三貫五百三十三文買撲一萬一千一百五十二貫七百八十九文 耀州舊在城及三原雲陽美原縣黃堡鎮五務歲八萬四千三百四十二貫熙寧十年祖額六

萬九千五百五十九貫六百九十一文買揀一萬六千九百一十二貫九百九十六文 邠州舊在城及宜祿三水定平縣龍泉鎮五務歲九萬一千一百一十三貫熙寧十年祖額七萬二千九百七貫七百九十七文買揀六千五百十六貫四百文銀二十五兩二錢 鄜州舊在城及康定軍洛川三川直隸縣赤城鎮六務歲十二萬一千六百七十四貫熙寧祖額四萬六千二百七十九貫五百八十一文買揀一千八百八十五貫七百四十九文 解州舊在城及安邑聞喜縣東鎮四務歲三萬六千一百八十八貫熙寧十年祖額四萬六千八百八十一貫九百二文買揀五千二百三十三貫七百四文 慶州舊在城及淮安業樂景山華州合水鳳川司川平戎鎮順城西谷東谷柔遠寨十三務歲十六萬三千四十一貫熙寧十年祖額九萬五千三百六十九貫二百一十六文買揀八千二十九貫五百六十文 魏州舊在城及魏略廬民原陽王城縣錫治六務歲三萬六千三百八十五文熙寧十年祖額三萬九千五百一十八貫一十六文買揀三千三百一十五貫一百三十五文 商州舊在城及下津洛南縣採造坑冶石界紅崖山小湖八務歲四萬五千八百七貫水銀六十二斤方木五百五十餘米四十碩熙寧十年祖額四萬二千四十九貫四百八十八

文買揀二千一百九十九貫八百六十四文白米六十碩八斛四勝水銀

六十三斤一十三兩五分 寧州舊在城及襄樂真寧彭原縣山河志

泥陽棗陽鎮八務歲六萬一千三百一十五貫熙寧十年租額五萬八十

六百三十三貫六百六十五文買揀一千九百九十一貫三百七十三文

坊州舊在城及宜君平陸北柘鎮四務歲四萬三千二百三十九貫熙

寧十年租額三萬五千三十三貫九百一十二文買揀一千六百三貫九

十二文 丹州舊在城及雲巖汾州縣三務歲萬五千三百三貫熙寧十

年租額一萬七百一十六貫九十一文買揀六百四十六貫三百七十六

文 環州舊在城及馬嶺水陂合道鎮大枝團堡安寨定邊平遠蒲達永

和烏崙寨社家掌保于憐佛堂谷小赤慈啟樓堡土侯谷榆塔店高家堡

盤地曲拔掌劉家曹家舊石昌二十五務歲七萬二千六百五十四貫熙

寧十年租額三萬六千二百五十五貫九百二十六文買揀四十九百八

十八貫四百五十八文 保安軍舊在城及德靖寨二務歲六萬九千六

百四十二貫熙寧十年租額二萬九千七百九十六貫一百七十八文買

揀二千七百一十五貫一百五十六文 秦鳳路 鳳翔府舊在城及寶

鷄麟遊普潤扶風盤屋岐山郿醜縣崔模馬碩揆渠清平斜谷青秋法喜

武城陽平岐陽洛谷磴十平故赤谷長青閭西鎮二十五務歲二十三萬
一千七百八十八貫熙寧十年祖額一十七萬三千四百四十三貫二百
七十六文買撲二萬二千九百九十二貫一百三十三文銀一千七百九
兩四錢粟一百碩 秦州舊在城及太平監清水長道縣監官白石文萬
百家白沙鎮來遠伏羌三陽定西寧遠永寧安遠弓門寨十八務歲三十
四萬六百六十貫銀五十兩熙寧十年祖額二十一萬三千六百九十三
貫五百一十文買撲九千九百七十九貫八十八文銀五十兩 涇州舊在
城及良原靈臺縣長武寨宮池百里鎮六務歲九萬三千一百三十二貫
熙寧十年祖額五萬九千四百四十六貫八十三文買撲六千七百六十
八貫四百六十文 熙州舊在城一務熙寧十年祖額二萬六千四百貫
買撲一千二十八貫一百三十七文 隴州舊在城及汧陽隴安吳山
縣銀治務安仁定戎妙城來遠鎮新閣五里十務歲八萬四千六百二十
一貫銀五百四十四兩熙寧十年祖額六萬六千六十八貫五百三十一
文買撲一萬二千二百一十六貫三百四文銀一百八十四兩八錢 成
州舊在城及府城延陽隴三務歲二萬九千四百四十六貫熙寧十年祖
額三萬七千九百六十七貫二百五十一文買撲一千五百九十八貫一

百文銀七十七兩八錢 鳳州舊在城及河池兩當廣鄉縣固鎮五務歲
四萬八千六百二十八貫銀四百一十二兩熙寧十年祖額五萬一千一
百六十八貫七百九文買撲四千九百三貫八百三十八文銀四百一十
二兩二錢 岷州熙寧十年祖額四萬三千三十六貫五十一文 州
舊在城及潘原隸凡字新寨籠竿城靜邊羊牝得格棧家麻家堡酒務菓
川安國鎮十三務歲二十三萬八千三百九十四貫熙寧十年祖額一十
三萬三千五百二十貫四百九十三文買撲七千六百五貫一百一十七
文 原州舊在城及彭陽開邊平峽西壕新門截石羅使新城柳泉臨涇
一十一務歲千三百五十四貫熙寧十年祖額五萬一百六十七貫四百
五十六文買撲四千八百八十七貫三百六十六文省向米二十一萬二
十二碩二斗二升 階州舊在城及福津時利縣角弓河口利亭鎮六務
歲五萬七千三百六十七貫熙寧十年祖額二萬六千七百八十三貫一
百四十文買撲四千七百六十七貫四百一十二文 河州 熙寧十年
未立額 鎮戎軍舊在城及東山乾興三川天聖寨彭陽城六務歲十萬
二千四百四十一貫熙寧十年祖額二萬二千二百二十六貫九百五十七文
買撲一萬九千七百五十六貫四百九十八文 德順軍 熙寧十年祖

額六萬九千三百九貫五百六十七文買糧一萬七千七百七十二貫六
百九十二文 通達軍照寧十年祖額七萬七千三百五十五文買
糧一萬六千六百貫六百一十六文 乾州舊在城及永壽好時麻亭縣
薛祿馮氏鎮常寧寨七務歲三萬七千八百六十二貫今廢 儀州舊在
城及崇信縣西赤城黃河石叢河永安鎮制勝關七務歲八萬九千八百
四十二貫銀十兩今廢 慶成軍舊在城及北鄉鎮胡壁堡三務歲八十
五百四十七貫米一百八十六石今隸河中府 康定軍係鄜州 沙苑
監無定額 開寶監舊在城及務歲一十七百九十七貫今比較內不開

太平監無定額 司竹監無定額 河東路 太原府舊在城及徐溝
平晉折文水清原太谷壽陽孟交城縣百井寨團柏十二務歲十二萬二
千八十五貫照寧十年祖額一十萬九千三百三十四貫二百八文買糧
一萬四千二百三十貫三百一十五文 潞州舊在城及上黨壘關長子
屯留潞城襄垣黎城涉縣故縣十務歲萬七千五十一貫照寧十年祖額
四萬六千三百五十二貫九百六十九文買糧八千九百一貫五百四文

番州舊在城及襄陵樊山和川洪洞神山汾西臨汾霍邑趙城岳陽縣
英代十二務歲六萬一千三百一十六貫照寧十年祖額六萬五千四百

四十貫五百六十七文買樣一萬一百三十六貫一百四十文 府州舊
在城一務歲二萬六千五百五十二貫熙寧十年祖額買樣二千三百四

十七貫六百文 麟州熙寧十年無祖額買樣二千一百八十六貫 絳
州舊在城及垣曲曲沃翼城稷山太平絳州澤掌八務歲五萬八千六百

四十五貫熙寧十年祖額六萬二千三百八貫六百六十三文買樣三千
三百六十六貫四百二十七文 代州舊在城及寶興軍學繫時雁門隸

興善鎮義興右七務歲萬九千四百三十三貫熙寧十年祖額四萬五千
六百八十二貫六百七十一文買樣三千九百五十六貫四文 隰州舊

在城及永和大寧石棣溫泉蒲縣永和上平關八務歲五萬一千一百二
十一貫熙寧十年祖額四萬四百八十貫七百三十三文買樣四千四百三十

三貫一百三十六文 忻州舊在城及忻口寨二務歲三萬二百一十七
貫熙寧十年祖額一萬九千四百九十六貫四百七十二文買樣二十二

百七十二貫二百三十七文 汾州舊在城及平遙介休縣洪山寺四務
歲六萬四千八百八十貫熙寧十年祖額五萬九千八百一十二貫二百

一十文買樣六千四百六十貫一百六十一文 澤州舊在城及高平沁
水陵川陽城縣五務歲二萬五千一百七十四貫熙寧十年祖額二萬九

千四百九十五貫一百九十八文買糧五千一百五十六貫三百九十三文 憲州舊在城一務歲萬四千五百四十八貫熙寧十年祖額五千四百六十八貫七百六十二文買糧六百七貫二百文 嵐州舊在城及樓煩合河縣飛鴉堡寨四務歲三萬一千五百九貫熙寧十年祖額二萬四千一百二十四貫二百五十五文買糧一千四百三十五貫七百八十四文 石州舊在城及伏落津二務歲四萬七千六百五十四貫熙寧十年祖額三萬二千六百二十九貫三百四十五文買糧二千二百二十四貫九百五十一文 豐州舊在城熙寧十年無祖額買糧三百四十貫八十七文 威勝軍舊在城及沁源武鄉南關店新城綿上城西陽八務歲二萬四千三百六十五貫熙寧十年祖額二萬三千二百七十貫五百七十七文買糧三千五百七十八貫四百四十六文 平定軍舊在城及承天軍樂平縣東百井寨四務歲萬六千三百八十二貫熙寧十年祖額三萬四百七十四貫四百四十九文買糧一千四百九十四貫二百四十九文 寧化軍舊在城一務歲九千五百貫熙寧十年祖額八千五百三十四貫九百四十二文買糧三百二十貫三百六十四文 火山軍舊在城一務歲一千六十六貫熙寧十年祖額七千六百四十四貫一百六十二文買糧三

百二十貫九百九十二文 保德軍舊在城一務歲三萬六千八百九十
二貫熙寧十年祖額七千一百三十七貫四百二十九文買撲九百九貫
并軍軍舊在城及水谷鎮三務歲三萬七千五百六十九貫熙寧十年
祖額一萬六千一百八十貫八百八十五文買撲五百七十五貫八百五
十六文 慈州舊在城及文城鄉寧縣三務歲一萬七千三百一十九貫
今廢 遂州舊在城及平城縣榆社縣三務歲萬二千八百六貫今廢
大通監無定額 淮南路 東路 揚州舊在城及天長縣銅城邵伯石
梁宜陵大儀瓜州板橋鎮九務歲八萬二千一十六貫熙寧十年祖額八
萬一千一百二十貫五百七十五文買撲三萬四千六百一十六貫七十
六文 亳州舊在城及城父蒙城鄆鹿邑永城衛真縣谷陽鄭城蒙館鄆
陽保安鎮十二務歲十一萬七千六十八貫熙寧十年祖額七萬三千八
百六貫一百二十九文買撲二萬四千三百一十二文 宿州舊在城及
臨漁虹靳縣西故柳子零壁荆山新馬垌埭靜安新澤通海十三務歲十
一萬九千二百二十八貫熙寧十年祖額九萬八千七百二十貫八百四
十一文買撲二萬八千七百六十六貫六百一十六文 楚州舊在城及
山陽寶應盩城臨北神鎮五務歲十三萬五千二百二十一貫熙寧十年

祖額一十三萬四千四十貫二百三文買樵三萬二百一十九貫五百八十二文 海州舊在城及懷仁沐陽縣臨洪鎮四務歲四萬五千二百五十二貫熙寧十年祖額四萬八千二百二十一貫五百六十四文買樵六千三百二十七貫七百五十六文 秦州舊在城及興化秦興如皋縣陵亭紫墟西溪七務歲八萬三千三百八十八貫熙寧十年祖額八萬七千二百三十六貫四百六文買樵一萬四千六百一十四貫五十六文 泗州舊在城及徐城招信縣青陽河南三十里木場七務歲十二萬七千二百貫熙寧十年祖額七萬二千四百四十五貫九百六十八文買樵五十六萬五千六百六十七貫六十八文 徐州舊在城及金椒東安縣白塔水口六文鎮六務歲二萬六千三百五十九貫熙寧十年祖額一萬五千七百九貫二百九十六文買樵一萬一千七百二十二貫七百一十三文 真州舊在城及六合縣瓜州或化鎮四務歲十一萬九百四十一貫熙寧十年祖額一千二百九十八貫一百一十六文買樵一萬三千八十一貫五百四十八文 通州舊在城及海門縣崇明石港四務歲三萬八千五百四十七貫熙寧十年祖額四萬六千七十二貫八百五十八文買樵三千七百三十貫二百七十二文 西路 壽州舊在城及壽春安豐霍丘六

安隸郭界步開順口霍山隱賢戎家步南盧史源謝步麻步來達十六務
歲九萬九千五百四十八貫熙寧十年祖額三萬一千八百八十五貫一
百八十文買撲四萬六千六百三十九貫五百九十六文 廬州舊在城
及舒城慎縣三務歲八萬四千六百五十七貫熙寧十年祖額五萬七千
六百五貫九百一十九文買撲一萬三千一百一十九貫五百四十文
蘄州舊在城及海蘄水廣濟縣馬嶺蘄口王祺石橋八務歲四萬四千三
百一十六貫熙寧十年祖額二萬九千五百四十九貫九百一十一文買撲六
千四十六貫六百四十七文 和州舊在城及歷陽烏江含山縣梅江五
務歲三萬六千五百五十三貫熙寧十年祖額一百二十五貫五百八十
二文買撲二萬五千九百八十九貫九十七文 舒州舊在城及相城雙
江宿松太湖縣石井長風沙馬頭龍溪揚溪銅山鷲山永安皖口孔城石
溪並小許公雙港十九務歲五萬三千五百八十九貫熙寧十年祖額二
萬七千三百五十三貫三百文買撲三萬六千一百四十五貫四百九十
三文 濠州舊在城及鍾離定遠縣藕塘長樂永安鎮七務歲二萬四千
八百七十一貫解二千三百九十一足縣八兩熙寧十年祖額一萬七千
一百八十貫一百九文買撲七千八百六十五貫九百三十九文一慶二

毫絹四千四百五十八疋三尺二寸絲三十六兩 光州舊在城及定城
光山仙居固始縣商城朱臯七務歲三萬九千九百七十九貫熙寧十年
祖額四萬四百三十四貫八百七十四文買樵四千八百二十八貫四百
一十三文 黃州舊在城及黃陂麻城岐亭久長團鳳陽羅汝縣八務歲
三萬二千八百八十一貫熙寧十年祖額三萬二千九百八十二貫九百
七文買樵八千一十八貫七十七文 無為軍舊在城及巢廬江縣石牌
豫澤龜山羅陽襄安雩山武亭十務歲五萬三千一百五十二貫熙寧十
年祖額一萬四千七百七十一貫一百九十四文買樵一萬七千九百一
十五貫四百七十三文 連水軍舊在城一務歲四萬五千九百八十七
貫今廢 高郵軍舊在城及三整北河鎮三務歲四萬三千九十九貫今
廢 兩浙路 杭州舊在城及餘杭鹽官富陽新城南新於潛昌化臨安
湯村十務歲三十六萬三百四十六貫熙寧十年祖額四十七萬七千三
百二十一貫一百二十六文買樵二萬二千二十六貫一百九十二文
越州舊在城及上虞餘姚蕭山諸暨山陰剡縣臨浦西興漁浦鉤十務歲
十二萬三千二百九十七貫熙寧十年祖額八萬三千七百七十九貫
文買樵三萬三千三百八十五貫四十四文 蘇州舊在城及常熟吳江

縣福山慶安木積崑山鎮七務歲二十八萬三千二百五十一貫熙寧十
年祖額二十六萬三千一百二十二貫二百二十三文買樵二萬四千二
百六十二貫五百四十八文 潤州舊在城及丹徒縣金壇延陵縣丁角
呂城鎮六務歲六萬七千三百二十三貫熙寧十年祖額六萬六千六百
七十貫四百一十三文買樵二萬七百五十九貫二百二十七文 湖州
舊在城及長興烏城歸安安吉德清武康縣六務歲十萬九千六百五十
七貫熙寧十年祖額九萬八千三百六十九貫六百七十六文買樵三萬
七千七百四十七貫八百八十四文 婺州舊在城及東陽義烏永康武
義浦江蘭溪縣李溪李順鎮九務歲十二萬四百一十二貫熙寧十年祖
額六萬四千五十四貫七百一十一文買樵二萬九千三百七十三貫九百九
文 明州舊在城及奉化慈溪定海縣小溪鎮五務歲八萬三千一百五
十四貫熙寧十年祖額八萬三千一百一十六貫三百九十五文買樵二
萬五千四百七十九貫一百九十二文 常州舊在城及宜興奔牛望亭
偃萬巖湖溪青城橫林張緒鎮九務歲十萬五千八百六十五貫熙寧十
年祖額一十二萬一百三十六貫七百一十二文買樵二萬七千一百二十九
貫八百一十七文 温州舊在城及永嘉樂清平陽瑞安縣柳市前倉鎮

七務歲五萬七百四十八貫熙寧十年祖額六萬八千五百二十六貫五十二文買樵一萬二千七百八十三貫三百八十三文 台州舊在城及黃崑臨海天台仙居縣諸路橋鎮港頭八務歲八萬一千二百九十八貫熙寧十年祖額六萬九千四百四十四貫七百五十三文買樵二千一百三貫三百三十二文 處州舊在城及遂昌青田龍泉縉雲松陽縣九龍利山鎮八務歲萬一千一百六十九貫熙寧十年祖額二萬七千七百五十二貫五百八十六文買樵九千四百四十三貫二百九十二文 衢州舊在城及開化龍遊南鎮四務歲九萬七百九十貫熙寧十年祖額四萬九千三百五十一貫九百四十六文買樵一萬七千四百八十四貫五百八十六文 睦州舊在城及桐廬清溪遂安建德壽昌分水縣七務歲五萬一千三百二十一貫熙寧十年祖額三萬九千一百七十三貫八百六十九文買樵一萬六千四百六十六貫六百四十七文 秀州舊在城及青龍華亭魏塘大盈徐沙石門中進海鹽上海趙屯泖口萬子廣成州錢崇德漢藍十七務歲十萬四千九百五十二貫熙寧十年祖額一十一萬七千八百九貫七十三文買樵一萬五千八十一貫六百六十二文 江陰軍舊在城及利城鎮巢村三務歲三萬六千六百二十二貫今廢 江南路 東路 江陰府舊

在城及漂水漂陽白容下蜀社渚六務歲十萬五千六百五十九貫熙寧
十年祖額一十二萬二千四十九貫九百三十文買撲一萬七千五百一
十三貫二十七文九分 宣州舊在城及南陵寧國旌德涇縣社遷水陽
鎮七務歲八萬五千六百二十一貫熙寧十年祖額七萬七千四十六貫
九百七十一文買撲一萬一千四百八十四貫九百八十四文 歙州舊
在城休寧績溪柘門婺源黟縣六務歲二萬九千八百七貫熙寧十年祖
額二萬一千六百一十四貫五百五十四文買撲一千八百六十三貫二
百八十三文 江州舊在城及德化彭澤德安瑞昌湖口縣六務歲三萬
六千一百八十九貫熙寧十年祖額三萬八千三百九十六文 池州舊
在城及青陽建德銅陵縣大通順安鎮六務歲二萬九千九百二貫熙寧
十年祖額三萬六千八百八十六貫八百三十九文買撲八千三百九十
四貫七百七十六文 饒州舊在城及餘干浮梁樂平德興安仁興利場
石頭景德鎮九務歲四萬七千五百九十七貫熙寧十年祖額二萬八千
五百四十三貫一百七十四文買撲三千一百三十貫四百六十六文金六
十二兩七錢九分三釐六毫 信州舊在城及弋陽玉山貴溪鉛山貴皇
縣永豐浦口鎮八務歲五萬一千七百五十八貫熙寧十年祖額六萬一

千二百一十八貫八百一十七文買撲一千四百二十四貫二百六十八文
太平州舊在城及蕪湖繁昌縣荻港鎮下義橋慈湖六務歲三萬七
千一百七十八貫熙寧十年租額四萬二千八百一十七貫七百五十二
文買撲一千五百九十二貫二百六十六文錢七千五百斤 南康軍舊
在城及鄱昌建昌贛河湖鎮四務歲二萬五千四百二十二貫熙寧十年
租額三萬二千四十四貫二百六十八文買撲九百九十九貫五百四文
廣德軍舊在城及建平贛二務歲二萬六千二百七十八貫熙寧十年
租額二萬五千三十三貫六十六文 西路 洪州舊在城及新豐城分
寧武縣進賢士坊鎮七務歲四萬七千五百六十七貫熙寧十年租額五
萬一千七百四貫三文買撲二千三百八十二貫二百六十四文 虔州
舊在城及義豐監安遠雩都虔化信豐龍南瑞金興國石城贛縣贛積銀
場十三務歲二萬四千五百六十貫熙寧十年租額二萬六千三百九十
四貫五百二十三文買撲七百三十九貫九百九十二文 吉州舊在城
及廬陵太和安福永新龍泉吉水贛沙市報恩鎮九務歲五千三百三貫
熙寧十年租額一萬八千二百一十五貫三百一十四文買撲一千七百
七十八貫七百六十文 袁州舊在城及分宜萍鄉萬載贛四務歲八千

八百六十四貫熙寧十年祖額一萬一千三百五十一貫七百文買撲二千八百九十六貫四十八文 撫州舊在城一務歲萬二千八百二十六貫熙寧十年祖額一萬九千三百五貫一十七文買撲一千七百三十六貫六百七十文 筠州舊在城及上新昌縣三務歲萬八千一十四貫熙寧十年祖額一萬二千六百九十三貫六百四十二文買撲六百九十二貫四百六十文 興國軍舊在城及大冶縣佛圖鎮三務歲三萬五千一百一十九貫熙寧十年祖額二萬九千六百二十四貫五百七十七文南安軍舊在城及南康縣二務歲六千五百二十二貫銀四十六兩熙寧十年祖額四千一百六貫一百三十七文買撲一千七百四十六貫四百一十九文銀四十六兩二錢 臨安軍舊在城及新除新喻縣三務歲一萬二千五百七十貫熙寧十年祖額一萬二千二百四十五文買撲一千四百四十六貫一百三十二文 建昌軍舊在城及南豐縣太平場三務歲萬五千一百八十一貫熙寧十年祖額一萬三千五百四十二貫九百八十八文買撲三百七十五貫八百八十一文 永平監無定額 荊湖路南路 漳州舊在城及衡山湖陰湘鄉湘潭醴陵益陽攸縣八務歲六萬七千六百二十五貫熙寧十年祖額七萬二千一十一貫九百五十七文

買樸八千三百三十一貫三百四十六文 衡州舊在城及耒陽安仁寧
寧新城衡陽縣六務歲萬二百五十四貫銀二百七十二兩熙寧十年祖
額一萬六千九百六十五貫三百六文買樸三百三十五貫七百一文
道州舊在城一務歲二千三百七貫熙寧十年祖額五千四十九貫二百
八十三文 永州舊在城及祈縣耒安縣三務歲九千一百三十三貫銀
六十一兩熙寧十年祖額一萬二千三百九十二貫一百八十六文買樸
三百三十六貫六百八十六文銀七十二兩 柳州舊在城一務歲三千
六百二十四貫熙寧十年祖額七千七百一十五貫七百七十五文買樸
八百七十五貫三百五十二文 邕州舊在城及武岡縣白沙寨二務歲
五千五百三十一貫熙寧十年祖額一萬一百四十一貫八百三十二文
買樸三百三貫四百五十六文 全州舊在城一務歲三千七百四十貫
熙寧十年祖額三千六百七十貫三十四文買樸一百四十一貫一十九
文 桂陽監舊在城及板源龍崗小白竹九畝坑石笋坑六務歲四千九
十九貫熙寧十年祖額二千九百四十四貫二百五文買樸二百五十二
貫八百八十八文 北路 江陵府舊在城及石首建寧沔陽松滋公安
監利潛江滕藕池沙市沙峒赤岸夔陵師子泉鎮十五務歲十萬六千貫

絹百五十五疋絲千兩熙寧十年祖額一十四萬七千九百四十七貫八
八六文買棧一萬八千一十七貫一百四十五文絹七十五疋二丈一尺
絲六百六十七兩二分 鄂州舊在城及武昌崇陽嘉魚咸寧蒲圻金牛
隸通城鎮八務歲六萬五千三百七十五貫熙寧十年祖額七萬九千二
百八十三貫四十九文買棧四千九百八十貫三百四十文 安州舊在城
及應城雲夢孝感棗陽漢陽五務歲三萬五千三百五十九貫絹二十九
疋絲百兩熙寧十年祖額五萬四千一百七十三貫六百九十九文買棧四
千八百八十七貫五百七十六文絹十六疋絲一百兩 澠州舊在城及
桃源龍陽縣趙墟鎮高吳市五務歲五萬五千二百三十六貫銀百八十
兩熙寧十年祖額四萬一百八十四貫八百五十八文買棧二千四百六
十九貫一百二十八文銀一百八十兩 澧州舊在城及安鄉縣二務歲
三萬六千九百九十三貫熙寧十年祖額四萬三千四百四十三貫四百
七十九文買棧九百五貫六百九十七文 峽州舊在城一務歲八千八
百一十九貫熙寧十年祖額一萬四千九百九十七貫三百六十九文買棧
六百三貫八百七十六文 岳州舊在城及臨湘縣關子烏紗鎮四務歲
三萬八千七百四十八貫熙寧十年祖額五萬七千三十貫一百九十七

文買樸二千七百七十五貫五百四十文絹四十疋 歸州舊在城一務
歲九千二百八十一貫熙寧十年租額八千九百六十二貫一百七十二
文買樸一百七十五貫 辰州無定額 沅州無定額 清州監無定額
漢陽軍舊在城及漢川縣下漢鎮三務歲二萬八千五百八十八貫今
廢 荊門軍舊在城一務歲萬五百五十六貫今廢 成都府路 成都
府舊在城及新繁新都雙流廣都厚浦郫縣沱花彌牟沱江慧北清派河
屯王店雍店全節街山木馬馮街井口安國洪道招携美安溫江小東陽
靈泉洛帶二十八務歲四十三萬九千七百七十九貫熙寧十年租額四
萬四千二百八十六貫四百八十一文 眉州舊在城及彭山青神丹稜
思蒙魚池石仙多悅龍安樂康永豐黃龍福化長泉賴母東館十六務歲
七萬二千五百二貫布千六百八十疋熙寧十年租額七千二百六十六
貫八百一十六文布一千六百八十疋 蜀州舊在城及新津江原永康
縣新渠洞口方井新穿八務歲九萬九千四百二十一貫熙寧十年租額
一萬三千二百二十貫一百文 彭州舊在城及蒙陽永昌縣永樂安德
壩口木頭普壽八務歲八萬六千三百八十三貫熙寧十年租額一萬四
千三百貫二百二十文 綿州舊在城及彰明羅江魏城西昌龍安神泉

宣吳踈鍾陽奉濟慶興金山黃鹿龍門香溪十四務歲十一萬八千六百
七貫熙寧十年祖額一萬九百二貫五百七十八文 漢州舊在城及綿
竹什邡德陽縣姜詩鎮王村楊村馬脚石碑新邑略坪柏杜連山重籠白
坳高田吉陽清泥普潤十九務歲十七萬五千五百六十七貫熙寧十年
祖額一萬七千五百五十七貫八十九文 嘉州舊在城及夾江茂眉縣三
務歲九萬二千三百二十五貫熙寧十年祖額九千二百八十二貫八百
六十二文九分 邛州舊在城及依政火井蒲江安仁大邑思安沙渠後
田頭泊平樂西界臨溪合水壽安永安故驛地貢夾門十九務歲十二萬
八千八百五十四貫熙寧十年祖額一萬三千一百六貫二百二十文布
三千七百八十足 黎州舊無定額 雅州舊在城及名山百文蘆山榮
經縣車領始陽七務歲九千四百六十二貫熙寧十年祖額九百四十六
貫二百五十三文六分 茂州無定額 簡州舊在城及平泉縣溲泉甘
泉乾封儒虛白馬飛鸞和興江南崇德永寧安仁懷仁太平十五務歲四
萬二千二百二十貫熙寧十年祖額三千九百二十二貫九百七十一文
六分 威州無定額 陵井監舊在監及貴平井研籍縣唐福賴錢賴
新市始建高橋歸安永安三溪賴社石馬上平賴浸麗江米市賴王羅泉

二十務歲萬四千二百二十三貫熙寧十年祖額一千一百六十三貫八百九十六文五分六釐 永康軍舊在城及青城導江陶埧蒲村味江小唐興白江鎮八務歲萬九千二十六貫今廢 梓州路 梓州舊在城及射洪東關棧馬監亭中江通泉浩城縣張把木池何店白馬新安石田臨津新市銅山新井南明一十八務歲十三萬五千二百八十八貫熙寧十年祖額一萬三千五百一十七貫八百二十七文 遂州舊在城及長江蓬溪青石縣四務歲九萬三千九百二十二貫熙寧十年祖額九千四百五十四貫一百六十一文 果州舊在城及南充縣二務歲十萬二千五百八十四貫熙寧十年祖額一萬三千九十貫五百六文三文 資州舊在城及資陽內江龍水縣月山丹山賴盤銅鼓賴胥栗林南瑞賴團銀山積碗安仁白沙鎮十六務歲三萬九千八百六貫熙寧十年祖額四十五百六十一貫五十八文八毫 普州舊在城及安居樂至普康縣新舊龍臺茗山通賢瀘侯市韓的灘流水安喜井崇龔順合張棗石浩永興永勝婆渝白富三會白崖丈明龍山新龍歸永寧仁義回城仁風楊發舊龍跡羅溪普慈清流羅楊仙小安流胡六井賴歌高寨碑子崇儀賴如管資永寧店四十三務歲二萬四千二百三十七貫熙寧十年祖額二千四百五

十四貫七百九十九文二分 昌州舊在城及大足昌元永川縣四務歲
萬一千五百一十一貫熙寧十年祖額一千一百六十二貫九百八十六文

戎州舊在城及雙道南溪縣三務歲五百一十二貫熙寧十年無定額

瀘州熙寧十年祖額六千四百三十二貫七百五十二文 原五

合州舊在城及巴川漢初赤水銅梁縣沙溪羊口新興安居九務歲八萬
八百三十七貫熙寧十年初額八千一百三十五貫四百九十四文

榮州舊在城及成達公井資官應靈縣六務歲一萬五千四百四十九貫
熙寧十年祖額一千三百三十八貫三十八文 梁州舊在城一務歲二

萬四千二百一十貫熙寧十年祖額二千四百五十四貫七百一十二文
懷安軍舊在城及金堂縣古城牟池真多唐化三節三州常樂柏茂白茆

芝村十二務歲三萬七千九十三貫布四千四百二十疋熙寧十年祖額
三千八百五十三貫九百九十七文六分布一千四百二十疋 廣安軍

舊在城及岳池縣故縣三務歲二萬九千一百四貫熙寧十年祖額二千
九百一十四貫八百八十一文五分 富順監熙寧十年祖額一千二十

七貫五百文 利州路 興元府舊在城及褒城城固西縣柏樹長柳石
溪驛水園融橋尹池桑林符李店界首鶴鳴仙源十八里游村保子白梁

興石沙坡橋上元勾家店石羊移平柳家店板橋塌橋張家店梅子店董村龍潭斯旱文川楊家鋪長木三十六務歲六萬七千八百貫熙寧十年買撲九千三百六十貫四百五十一文 利州舊在城及綿谷東嘉州平蜀茂葫隸六務歲萬九千七百四十三貫熙寧十年買撲一千九百八十二貫二十八文 洋州舊在城及興道西鄉真符隸驛水五務歲萬五千四百一十九貫熙寧十年買撲二千六十一貫四百二十四文八分 閬州舊在城及南部蒼溪新政奉國新井晉安岐忤隸彭城龍榮龍美耀池恭恩馬頭東垣南平富安全池泉會青山牟池普安重山長利龍延安溪利溪普潤龍泉重錦龍山玉井封山木奴玉山龍居西水金仙木頭水安花林四十二務歲十萬一千九貫熙寧十年買撲九千一百九十五貫 六百六十五文一分 叙州舊在城及叙門關梓潼隸三務歲三萬六千九百六十二貫熙寧十年買撲三千七百三十貫七百一十四文 巴州舊在城及恩陽七盤曾口其章隸茶垣萬善嘉福葦山新興定賢赤石萬春習善十四務歲七千四百七十貫熙寧十年買撲一千五百九百九十二文銀一百二十六兩 文州舊在城一務歲六千四百四十三貫熙寧十年買撲一千一百二十九貫二百七十六文 興州舊在城一務歲

萬八千三百二十貫熙寧十年買權二千二百四十一貫二百六十四文
遂州舊在城及蓬池儀隴蓬山營山伏虞良山隸七務歲萬三千七百九
十五貫熙寧十年買權一千二百九十四貫九百六文二分 龍州舊在
城及清山隸都竹三歲歲三千七百四十二貫熙寧十年買權三百五十
八貫八百五十七文 三泉隸一務歲萬二千三百一十一貫熙寧十年
買權一千五百九十七貫五十六文 鉅門關無定額 集州舊在城及
清化隸二務歲二千二百四十二貫今廢 壁州舊在城及符陽隸白石
隸三務歲千一百九貫今廢 蔓州路 忠州舊在城一務歲千七百三
十六貫熙寧十年無額 萬州舊在城一務歲千三百四十七貫二百六
十九文 渝州舊在城及江津壁山巴縣四務歲千七百三十六貫熙寧
十年無額 大寧監舊在城一務歲四百二十一貫熙寧十年無額 蔓
州 黔州 達州 開州 施州 涪州 雲安軍 梁山軍 以上不隸
福建路 建州舊在城及浦城松溪開建陽崇安隸天受大抵幽胡永
興大同山通德場柳源坑十三務歲五萬四千四百四十八貫熙寧十年
祖額三萬六千九百八十四貫二百五十九文買權九千一百九十三貫
七百二十八文 南劍州舊在城及尤溪將樂順昌沙縣王堂杜唐婁杉